

26 Jun 2023

Muhd Adha Bin Abd Hamid
No.11, Jalan Avens 2
Avens Residence
Bandar Baru Lembah Selatan
43800 Dengkil
Selangor

Ketua Pengarah

Perbadanan Produktiviti Malaysia (MPC),
Jalan Produktiviti off Jalan Sultan,
46200 Petaling Jaya,
Selangor.
(u.p: En. Mohd Khairizal Khahidir)

YBhg. Tuan Haji,

PERMOHONAN LANJUTAN TEMPOH CUTI BELAJAR BERGAJI PENUH BAGI HADIAH LATIHAN PERSEKUTUAN (CBBPHLP) PERINGKAT SARJANA PENGURUSAN PERNIAGAAN (MBA), UNIVERSITI KEBANGSAAN MALAYSIA (UKM)

Dengan segala hormatnya saya merujuk kepada perkara tersebut di atas.

2. Saya Muhd Adha bin Abd Hamid (830918-10-5555) merupakan penerima biasiswa Hadiah Latihan Persekutuan (HLP) sesi 2022/23 dan kini sedang mengikuti pengajian peringkat Sarjana Pengurusan Perniagaan (MBA) di Universiti Kebangsaan Malaysia (UKM). Tempoh Cuti Belajar Bergaji Penuh Dengan Hadiah Latihan Persekutuan (CBBPHLP) yang telah ditawarkan oleh JPA adalah selama 18 bulan (3 semester) bermula 14 Mac 2022 sehingga 13 September 2023. Mod pengajian di semester pertama adalah secara online, manakala semester kedua dan ketiga adalah secara fizikal di Fakulti Pusat Pengajian Siswazah Perniagaan, UKM, Bangi.

3. Untuk makluman YBhg. Tuan Haji, merujuk kepada Pekeliling Akademik UKM Bil 36/2022 bertarikh 27 Oktober 2022, mod pengajaran dan pembelajaran atas talian (online) telah diubah kepada mod fizikal di atas arahan Kementerian Pendidikan Tinggi (KPT). Perubahan ini telah menghadkan bilangan pelajar bagi setiap subjek termasuk jumlah dan kapasiti kelas yang disediakan. Kapasiti pengajian secara online ada seramai 50-60 orang pelajar, manakala pengajian secara fizikal hanya terhad kepada 40 orang pelajar bagi setiap kelas. Pada tahun ini, pelajar tajaan JPA adalah kohort sedia ada (Semester 3) telah bertembung dengan pelajar kohort baharu (Semester 2) menyebabkan bilangan pelajar yang mendaftar bagi subjek tertentu melebihi kapasiti sebuah kelas secara fizikal. Perkara ini tidak dapat dielakkan berikutan penawaran dan pengambilan pelajar kohort baharu telah dibuat lebih awal sebelum arahan tersebut dikeluarkan.

4. Susulan perubahan mod pengajian ini juga menyebabkan berlakunya persaingan tinggi antara pelajar dalam pemilihan subjek (seperti dalam Lampiran 2) oleh fakulti sehingga mencapai bilangan pelajar maksimum yang dibenarkan. Pelajar tajaan JPA tidak dapat memilih subjek tersebut berikutan pendaftaran kelas telah mencapai tahap maksimum. UKM menghadkan bilangan pelajar bagi setiap subjek bagi mengekalkan kualiti pengajian serta mematuhi segala ketetapan yang digariskan oleh pihak universiti. Subjek-subjek ini merupakan antara subjek yang relevan serta signifikan kepada penjawat awam di semua peringkat sesuai dengan keperluan semasa pegawai kerajaan.

5. Sehubungan itu, saya ingin memohon jasa baik YBhg. Tuan Haji untuk mempertimbangkan tempoh pelanjutan cuti belajar bermula 14 September 2023 sehingga 13 Mac 2024 berdasarkan justifikasi seperti berikut:

- i. Terdapat empat (4) lagi kursus elektif yang perlu diambil bagi melengkapkan 48 jam kredit yang ditetapkan oleh UKM-GSB bagi tujuan bergraduasi.
- ii. Empat (4) kursus elektif yang akan diambil pada Semester 3 Sesi Akademik 2022/2023 adalah merupakan kursus elektif yang berkaitan dengan pengurusan awam iaitu Kluster Pengurusan Awam (Public Management Cluster). Kursus elektif ini telah memenuhi had kapasiti pelajar setelah mod pembelajaran ditukar daripada atas talian kepada fizikal.
- iii. Kursus elektif ini merupakan kursus di bawah Kluster Pengurusan Awam yang lebih relevan dengan bidang tugas di sektor kerajaan termasuk di dalam pemasaran digital selain dapat meningkatkan kompetensisebagai Penjawat Awam. Senarai kursus elektif seperti di Lampiran.
- iv. Pusat Pengajian Siswazah Perniagaan, Universiti Kebangsaan Malaysia (UKM-GSB) juga menyokong pelanjutan tempoh pengajian ini serta tiada halangan untuk disempurnakan sehingga tempoh empat (4) semester.

6. Justeru itu, saya dengan rendah diri ingin memohon pertimbangan dan kelulusan daripada YBhg. Tuan Haji berhubung pelanjutan tempoh CBBP-HLP saya sehingga 13 Mac 2024. Bersama-sama ini juga dilampirkan beberapa dokumen sokongan yang berkaitan untuk makluman dan perhatian YBhg. Tuan Haji selanjutnya:

- i. Surat Sokongan Pusat Pengajian Siswazah Perniagaan (UKM-GSB);
- ii. Senarai Kursus Elektif Kluster Pengurusan Awam UKM-GSB;
- iii. Salinan keputusan peperiksaan Semester 1 & 2 Sesi Akademik 2021/2022;

Saya dahulukan dengan ucapan terima kasih diatas kerjasama dan pertimbangan yang diberikan oleh YBhg. Tuan Haji.

Sekian, terima kasih.

Yang benar,



Muhd Adha bin Abd Hamid
012-574 1110